

夢何事俯仰成傷悲故人不見天地老千古溪山爲誰好  
空亭回首獨淒涼山月無痕修竹少

送盧思敏歸天台

元貢性之

天台山高四萬八千丈神仙之徒往往窟宅乎其間我嘗  
探奇恣元覽直上絕壁窮躋攀松風流水聲瑟瑟桃花玉  
洞春漫漫曾逢兩仙人對奕猶未殘  
瞻瞻白髮長被耳千  
二百歲如童顏手攜綠玉杖劒佩黃金環見我拂衣起念  
我行路難問我何從來延我啟重關授我長生訣餌我金  
霞丹餐松齧柏飲沆瀣伐毛洗髓滌肺肝吁嗟凡骨不易  
脫失身又復歸塵寰始知神仙有術終不可以遽學使我